



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

S. Bonifacivs Ep. Mart. 19. Iunii.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

rium virtutis: neque enim quemquam postea pudit tot caelestis sapientiae insignia circumferentem, prospicientem futura, familiarem Angelis consulere, aut audire monentem. Viri Principes agendas illi suas apud Superos causas detulere, certa spe victoriae, si patrocinium suscepisset. Et hoc tantum orbis miraculum anno MDV. terras deseruit, ne queri quisquam possit, nullam nostro aeo magnam virtutem gigni. Quid vis? an ulli Deus invidet suam crucem? sed nos delicati humeros subducimus. *Ex Phil. Fer.*

S. BONIFACIUS EP. MART.  
19. Iunii.

**F**Vit BONIFACIUS Ottoni Imp. sanguine, plus amicitiam junctus, quam quidem tanta inter illos erat, ut cum familiariter illum hic compellaret, animam suam identidem diceret. Liberalibus artibus omnibus, musicis praecipue instructus, dum modulos in aede cognominis sibi D. BONIFACII instruit, caelesti Numine repente afflatus, heus! exclamat, quid vanam ego nominis umbram gero; quid Martyris titulum circumfero, si non victorias etiam & palmas? Superos testor, & cognominem Divum, aut non dicar BONIFACIUS, aut ero. simul ad monasterium abiit Martyrii tyrocinia positurus. Avelli Ottoni

animam suam vidisses. At ille bis tantum in septimanâ cibum capiens crebro interim corpus in vepres abiciens ad martyrum patientiam se durabat. Post Romam profectus, & Archiepiscopus honore maectatus, & jam ad purpuram aspirare ausus, in Russiam abiit. Ibi post multa ludibria rex cum Divo ita paciscitur. Si rogos geminos, qui juncti flammâ sociarent, illæsus perambulare, tum sese etiam in Christianorum sententiam pedibus ambulaturum. Dictum, factum. BONIFACIUS per rogam, rex ad partes Catholicorum transit. Ad regis porrò exemplum innumera multitudo confluxit. Mox sua laborem premia secuta. BONIFACIUS à germano Regis, capite truncatus nomini denique suo satisfecit. *Ex Per. Damiano ap. Sur. in vitâ S. Romualdi.*

S. ROMVALDVS AB. 19. Junii.

Spectator fortè ROMVALDVS adfuit, cum parens duello germanum suum sustulit. Itaque cum animo suo putans censuit, quod pater manu, hoc se oculis parricidium perpetrasset. Quare ad noxam expiandam, concedere ad aliquod tempus in cœnobium statuit. Sed familiaritate cœnobitæ, nescio cujus, & aspectu è cœlo semel iterumque ad se venientis D. Apollinaris captus, pedem, ne sepius offenderet, nunquam jam